

河南通志卷之七十六

古蹟志二十二

寺觀二

偃師

鞏縣

孟津

宜陽

登封

永寧

新安

澠池

嵩縣

唐招提寺

金石攷

偃師有招提寺三藏聖教序顯慶二年

王行滿書

按招提寺在偃師縣南三十五里。又按城西南四十
五里湯王廟東有大魏石佛像碑城外洛水南楊村有
宋至道年間石幢皆
古刹遺蹟也附見此

宋壽聖寺

李通志寺在偃師明洪武間置僧會司於內

按偃師城內壽聖寺有宋熙
寧二年勅賜聖壽禪院石刻

明龍泉寺

李通志寺在偃師縣東洪武間建

按龍泉寺在偃師東鄆溪中寺前有溫泉出焉水經注所謂鄆水出北山鄆溪者也每歲上巳邑人修禊夏日澗樹綠縹紅蕖舒錦飛閣軒敞倚欄消暑下臨清池錦鱗游泳良勝蹟也

漢仙人觀

水經注緱氏故滑國王莽更名中亭城有仙人

祠謂之仙人觀

按武帝嘗如緱氏視仙人迹觀當起于是時蓋用公孫卿仙人好樓居之說也古緱氏在緱山後休水北

宋仙鶴觀

李通志觀在偃師縣南緱山前王子晉於此乘

鶴昇仙故名宋皇祐二年修

以上偃師

漢慈雲寺

寺碑漢明帝時西僧摩騰竺蘭創建

按寺在青龍山內羣峯羅列石壁如削前人刻環寺五十二峯于石佛堂後爲二老談經峯取形似也自青龍山口入行數十里方抵寺幽僻窈窕人跡罕到

後魏元帥軍寺

伽藍記京東石闕有元領軍寺

按今鞏縣西洛水北有地名石闕卽伽藍記所謂京東石闕也

隋栢谷塢寺

名勝志栢谷塢在緱氏東北塢西有寺入谷

數百步有佛像精巧美麗有牛舂馬簸水碓之利

按栢谷塢卽今鞏縣西南之百峪也其地正在古緱氏東北名勝志所謂塢西有寺者今百峪西休水澗中有白雲寺者是也土人在寺傍掘上有石幢一乃隋開皇年號則寺建于隋矣攷裴灌少林寺碑云隋開皇中有詔栢谷屯地一百頃賜少林寺蓋栢谷地屬少林又于栢谷建寺寺固少林寺僧所建也裴灌碑又云少林寺西北五十里有栢谷聖羣峯合沓深谷逶迤複磴緣雲俯窺龍界高頂拂日傍臨鳥道居晉成塢在齊爲郡王世充僭號署曰轅州乘其地險以立烽戍太宗軍次廣武僧志操惠師抗表以明大順執充侄仁則以歸本朝太宗嘉其義烈頻降璽書宣慰賜地四十頃水碓一具卽栢谷莊是也各勝志所記牛舂水碓與裴灌碑畧同

但以栢谷塢爲在偃師則因偃師志而誤也偃師志以栢谷塢爲在今緱氏東去少林太近不知所謂緱氏東北者古緱氏也于今爲滑城鞏縣百峪正在滑城東北去少林五十里與裴淮碑亦合

隋石窟寺

〔方輿紀要〕寺在鞏縣西洛水北王世充與李密

相持世充渡洛水過倉城爲營與密戰于石窟寺東〔金

石攷〕鞏縣石窟寺卽淨土寺有兩石幢一爲唐開元十九

年一爲後唐長興三年

宋羅漢寺

〔金石攷〕宋羅漢寺禪院碑天聖八年張觀奉勅

撰

按羅漢寺在牛山之南嵩山之北前有水東北注羅卽白馬溪之源也羅水上流又有蒲池水注之蒲池水源有善提寺碑字剝落不詳何代所建

金普安寺

李通志寺在鞏縣治南金貞祐三年建明洪武

中置僧會司於內

元玉晨觀

淵鑑類函大洞玉經曰玉晨宮中有玉映之宮

又有元君六淵之宮黃老圖華之宮上清真陽宮太極上

宮主衆仙誦詠

李通志觀在鞏縣西南元至治元年建

按玉晨觀在鞏縣蘇村
保舊志玉晨作玉宸

明崇慶觀

李通志觀在鞏縣南洪武十五年建置道會司

於內

以上鞏縣

唐興國寺

李通志寺在孟津縣西唐咸亨間始建

按孟津志寺在縣西北五里始名浮圖寺晉天竺僧佛圖澄西來住錫於此懷帝永嘉時曰河圖寺梁武帝改

日龍馬寺唐高宗麟德中改曰興國寺唐改員
圖寺李濂通志謂高宗咸亨間始建與志異

唐昭覺寺

〔方輿紀要〕唐寶應元年僕固懷恩討史朝義于

橫水賊大敗又轉戰于昭覺寺石榴園老君廟皆敗之金

人疆域圖孟津有昭覺寺

按秦王破王世充洛州立昭覺寺疑卽孟津之
昭覺寺蓋孟津本屬洛州故也寺已見洛陽

五代晉孟津古寺

〔清異錄〕晉少主北還至孟津界一古寺

遺下所張紫羅傘五層疊椽簷仍泥金作盤花但朱柄折

耳

宋文家寺

〔方輿紀要〕寺在孟津縣南建炎二年翟進復西

京遂襲元术於河陽敗還又帥韓世忠戰于文家寺復敗

走金人遂復入西京

元報恩寺

李通志河南報恩寺有三一在孟津西南元至

元二十八年建一在宜陽南元天歷二年建一在嵩縣東

明洪武初建其在孟津者置僧會司於內

按報恩寺孟津志以爲西煙寺也在小集鎮

宋威靈觀

李通志觀在孟津縣西漢光武陵寢所在故名

按孟津志宋徽宗政和四年詔改古帝王陵廟爲觀以道士處之此威靈所由始也

元寶泉觀

李通志觀在孟津縣西元至正二年建

按孟津志光武嘗飲此泉故得名

以上孟津

宋勝因寺

李通志寺在宜陽縣治西北卽古甘棠驛宋大

定三年建明洪武修置僧會司於內

靈山報忠寺

王邦瑞報忠寺記靈山一名鳳凰山寺曰報

忠寺寺之興也莫考其何時有老僧掘地得斷碑數寸題曰報忠而相傳亦云蓋已遠矣

按王記以寺不知起于何時而舊志則以爲金大定三年建豈王未之見與

元彌陀寺

李通志河南彌陀寺有三一在宜陽縣西元至

正三年建一在澠池縣南元大德元年建一在嵩縣西南元至元三年建

元奉真觀

李通志觀在宜陽縣西元至元八年建

明太清觀

李通志觀在宜陽縣治東南洪武間建置道會

司於內

按府志宜陽太清觀金正大八年建。又按金王廷陶公壽堂記錦屏山半有石洞三西曰紫雲東曰懸空其上曰玉芝可容客數十懸空者舊名也紫雲玉芝陶公自命之翠崖蒼壁珍木異卉並立而叢生有雲腴石髓瓊漿玉液真神仙窟也又山有洞賓樓據志洞賓過錦屏有詩曰時當海晏河清日白鹿聞騎下澤本爲君平川裏去不妨却到錦屏來又再過錦屏有半空豁然雷雨收詩一律後先掩映石跡猶存蓋錦屏爲羽流之托跡久矣

附見此

以上宜陽

漢法王寺

嵩書漢明帝永平十四年嵩山建大法王寺魏

明帝青龍二年更名護國寺晉惠帝永康元年於護國寺左建法華寺隋文帝仁壽二年建舍利塔更名舍利寺唐太宗貞觀三年更名功德寺開元時更名御容寺大歷間

更名廣德法王寺後唐時因廢壞之餘分爲五院仍歷代護國法華舍利功德御容舊稱

按嵩志法王寺佛殿前石池丈許紫金蓮開中秋一月云生公說法時從地湧也往往他移卽萎亦神異矣

後魏閒居寺 伽藍記嵩高中有閒居寺 嵩書閒居寺故

元魏宣武帝離宮建於永平年詔馮亮與僧暹河南尹甄琛視形勝處狝興焉 李邕嵩嶽寺碑嵩嶽寺者後魏孝

明帝離宮正光元年勝閒居寺隋仁壽一載改嵩嶽寺十五層塔者後魏之所立也發地四鋪而聳陵空八相而圓方丈十二戶牖數百其東七佛殿者曩時之鳳陽殿也其西定光佛堂者瑞像之冥止昔有石像故現應身浮於河

達於洛其南古塔者隋仁壽二年置舍利於羣嶽焉後有
無量壽殿者諸師禮懺誦念之場則天太后護送鎮國金
銅像置焉逍遙樓者魏主之所構也食堂前古鐵鐘者重
千斤函二十石正光年中寺僧之所造也西方禪院魏八
極殿之餘址也南有輔山者古之靈臺也中宗詔於其頂
爲大通秀禪師造十三級浮圖

按閒居寺在法王寺西里許俱在今太室南麓北史稱
馮亮雅愛山水又兼工思造閒居佛寺林泉旣奇營製
又美曲盡山居之妙又高僧傳曰唐永淳時嵩嶽閒居
寺釋元珪廬嶽之麗塢一日偉丈夫從部曲來謁曰我
此嶽神也珪曰東巖寺之障莽然無樹北岫有之而背
非屏擁神能移北樹於東嶺乎神曰聞命幸無駭是夜
暴風吼雷物不安所詰旦和霽則北巖松
栢盡移東嶺其地今會善西戒壇是也

後魏道場寺

〔伽藍記〕嵩高中有道場寺

〔北史馮亮傳〕延

昌二年疾篤宣武敕以馬輿送令還山居嵩高道場寺

按道場寺今不可考馮亮嘗營閒居寺後退居道場寺則二寺當相近或以爲實一寺者非也

後魏嵩陽寺

〔伽藍記〕嵩高中有嵩陽寺

〔魏嵩陽寺碑〕大

德生禪師以此山先來未有塔廟禪師將欲接引四生卜

茲福地創立神塲北背高峯南臨廣陌西帶濬澗東接修

林於太和八年歲次甲子創造伽藍築立塔殿

按嵩陽寺碑東魏天平二年刻石碑末書唐麟德元年從嵩陽觀移會善寺蓋寺自隋大業已改爲觀唐營奉天宮至五代周改道院爲書院宋時稱盛至今不改仍存嵩陽之名非復寺觀之舊其事遂千古矣

後魏中頂三寺

〔伽藍記〕嵩高上有中頂寺東有昇道寺栖

禪寺

按中頂昇道極禪在嵩頂上仰藍記有兩栖禪寺一在山上一在山下皆不可確指五代晉有峻極寺疑卽後魏中頂寺也晉賜峻極額時並建峻極中院峻極下院中院在今二郎觀西有廢址下院在今登封西關二院皆得曰峻極寺宋司馬公題名

峻極寺壁上實峻極中院也

後魏少林寺

唐裴灌寺碑少林寺者後魏孝文所立也沙

門跋陁自西域來太和中詔有司於此寺處之淨供法水取給公府廼於寺西臺造舍利塔塔後造翻經堂周建德中廢毀大象中於兩京各立一寺因孝思所置以陟岵爲名洛中陟岵卽此寺也隋開皇中詔栢谷塢屯地一百頃賜少林寺太宗賜地四十頃水碾一具武德中寺有白雀

見貞觀中白雀復瑞咸亨中御飛白書題金寺波若碑永
淳中御札又飛白書一飛字題寺壁垂拱中有冬竹抽笋
塔院後復有藤生〔名勝志〕寺在少室山北麓有初祖菴
梁武帝時達磨於此面壁九年有照影石云達磨現影其
中

按韻府引畫禪迦佛陀禪師天竺人至隋隋帝嵩山起
少林寺至今房門上有畫神卽是迦佛陀之迹據裴淮
碑寺立于後魏孝文而畫禪以爲起于隋者
蓋寺毀于周隋開皇中復立爲少林寺也

後魏明練寺

〔釋靖彰永泰寺碑〕寺創自後魏正光二載考

明帝之妹入道爲尼敕爲置明練寺兼度士庶女等唐貞
觀三載議尼寺居山恐人侵擾敕令移額於偃師縣下

此因廢焉神龍二載有嵩嶽寺僧道瑩請爲永泰公主置寺以永泰爲名

後魏雙林寺

釋氏通鑑傳大士問嵩頭陀修道之地嵩指

崧山雙檣樹卽今雙林寺也

按說嵩後魏有雙林寺善會大士倚雙檣樹夜則行道晝則力作荆雙林寺以居

北齊碑樓寺

寺碑北齊天保八年丁丑立

按寺在登封東四十里石淙東原上內有豫州劉刺史碑今其地名劉碑又登封東四十里蔣莊有在孫寺碑刻大齊河清三年歲在甲申敬造告成測影臺左有龍華寺齊武平元年建附見此

隋會善寺

嵩書寺本魏孝文帝離宮也魏亡爲澄覺禪師

精舍隋開皇中賜名會善寺

陸長源戒壇記漢晉間高

僧植貝多子於西峰一年三花置五佛正思惟戒壇思惟者以佛在貝多樹下思惟因名貝多爲思惟卽三花之義按會善寺嘗無水唐時高僧晏公講經於此龍變作人來聽晏公向龍乞水龍贈以泉自殿右宛轉流及山門而沒止供寺汲不資灌漑亦異事也寺在太室西南積翠峯下

唐盧巖寺 **李通志**寺在登封縣東北卽唐諫議盧鴻隱居

之處開元中改爲寺

按唐書鴻拜諫議大夫固辭還山賜隱居服營草堂恩禮殊渥鴻到山中廣學盧聚徒至五百人所居室自號寧極旣卒子不敢居乃改爲寺又有下盧巖寺與盧巖相近

唐中嶽寺 **唐書**元膺發兵圍李師道設重購以捕賊獲其

渠魁按驗乃中嶽寺僧圓淨爲師道買田伊闕陸渾山間

以舍山中趨勇而衣食之俗謂之山棚是也捕獲伏誅

按中嶽寺在嵩山神蓋峯下卽寶林院也

唐龍潭寺

李通志寺在登封東北唐時建

唐竹林寺

嵩書嵩嶽山巖之下唐時有蜀僧法藏曾於其

地見聖竹林寺出現

五代晉峻極寺

李通志寺在登封城西五代晉時建初名

天成天福間更賜今額金大定間修明洪武初重修置僧

會司於內

按城西峻極寺所謂峻極下院也見前中頂寺下

金清涼寺

李通志寺在登封西金貞祐中建